

續
文
獻
通
考

續文獻通考卷之一百四十

皇明進士雲間王圻纂輯

謚法考

梁帝后太子謚

太祖文皇帝姓蕭氏名順之蘭陵人漢蕭何之後初仕齊
爲鎮北將軍謚懿武衍卽位追謚文皇帝 張皇后名
尚柔范陽方城人父穆之母卽文皇從姑也天監元年
追謚獻

高祖皇帝名衍順之子天監元年受齊禪太清三年崩
謚武 郗皇后名徽高平金鄉人父曄宋太子舍人母
宋文帝女尋陽公主后先帝殂追謚德 丁貴嬪名令

光譙國人生昭明以普通七年薨謚穆 阮修容名令
羸會稽餘姚人本姓石天監六年生元帝於宮中拜修
容賜姓阮大同六年薨謚宣元帝卽位追崇爲文宣太
后 吳淑妃謚敬

太宗皇帝名綱武帝第三子大寶二年崩謚簡文 王皇
后名靈寶瑯琊沂人父騫南昌安侯太清三年以太子
妃薨帝卽位追謚簡皇后

世祖皇帝名繹武帝第七子承聖二年爲魏人所戕謚元
徐妃酷妬有穢行投井死以屍還徐謂之出妻無謚
敬皇帝名方智元帝子太平二年禪於陳陳奉爲江陰王

薨謚敬 王皇后無謚

太子統字德施武帝長子大通二年謚昭明 妃蔡氏謚敬子譽立爲後梁王又謚爲昭德皇后

太子大器字仁宗簡文嫡長子大寶二年爲侯景所殺承聖元年追謚哀

太子方矩字元良江陵喪亡遇害敬帝承制追謚愍懷後梁帝后謚

宣皇帝名譽字理孫昭明第三子爲張纘構於元帝奔魏魏人命主梁祀國於江陵號大定以大定八年殂謚宣皇帝

孝明帝名歸字仁遠譽之第三子在位二十三年以隋開皇五年薨謚孝明皇帝 歸祖母龔太后以卽位之元

年薨謚元，歸嫡母王太后以卽位之二年薨謚宣靖。
歸生母曹太妃以卽位之元年薨謚孝。

梁宗室祀

步兵校尉吳平侯尚之字茂先文帝兄天監初謚文宣。

故齊東陽太守東昌侯崇之字茂敬尚之弟天監初追謚忠簡。崇之子吳平侯景字子昭普通四年贈侍中撫軍開府儀同三司謚忠。景子勵字文約武帝時謚元。景弟湘陰侯昂字子明大同元年謚恭。昂弟晉陵太守贈湘州刺史昱字子真武帝時謚恭。

長沙王懿字元達文帝長子天監元年追謚宣武。懿子業字靜曠普通七年謚元。業子孝儼字希莊普通七

年謚章 業弟臨汝侯猷爲吳興郡守與楚王廟神交
因謚靈 猷弟貞陽侯淵明字靖通承聖四年稱尊號
已復爲太傅建安王後北齊文宣納永嘉王莊主梁祀
追謚閔皇帝莊貞陽侯子也

永陽王敷字仲達文帝第二子天監初追謚昭 敷子伯
遊字士仁天監五年謚恭

衡陽王暢文帝第四子天監元年追謚宣 暢子元簡字
熙遠天監十八年謚孝

桂陽王融文帝第五子天監元年追謚簡 融嗣子象字
世翼本長沙宣武王第九子大同三年謚敦

臨川王宏字宣達文帝第六子普通七年謚靖惠 宏子

吳興太守正仁字公業天監十年謚哀 正仁弟建安

侯正立字公山謚敏

安成王秀字彥達文帝第七子天監十七年謚康 秀子

機字智通大通二年謚煬

南平王偉字文達文帝第八子普通五年謚元襄 偉子

衡山侯恭字敬範元帝時贈侍中左衛將軍謚僖

鄱陽王恢字弘達文帝第十子普通七年謚忠烈

始興王憺字僧達文帝第十一子天監十八年謚忠武

憺子廣信侯映字文明謚寬 映弟上黃侯曄字通明

以言行相違謚替

南康王績字世謹武帝第四子大通三年謚簡

廬陵王續字世訢武帝第五子大同元年謚威

邵陵王綸字世調武帝第六子爲魏人所殺後梁主譽贈太宰謚安元帝時劉毅議息政交外改謚攜

晉王歡字孟孫武帝孫昭明子謚安

世子方等字實相元帝長子承聖時謚忠壯又改謚武烈世子方諸字智相元帝第二子爲侯景所害承聖時追謚貞惠

贈丞相河東王譽譽之兄大定元年追謚武桓

梁王世子譽譽長子晉稱帝追謚孝惠太子

侍中中衛將軍茂譽第六子歸之五年贈司空謚孝

梁諸臣謚

南豐伯蕭頴胄字雲長故齊南豐伯赤斧子天監元年追封巴東郡公謚獻武

通直散騎常侍衛將軍唐縣開國侯蕭頴達赤斧第五子天監九年謚康

寧遠將軍吳郡太守蕭子恪字景冲故齊豫章文獻王子曾通二年謚恭

大中大夫秘書監贈金紫光祿大夫蕭子範字敬則子恪第五弟元帝時謚文

仁威將軍吳興太守蕭子顯字景陽子範弟大同三年手勅以恃才傲物謚驕

金紫光祿大夫醴陵侯江淹字文通濟陽考城人天監元

年謚憲

衛尉卿贈散騎常侍車騎大將軍洮陽縣侯張弘策字貞簡范陽方城人爲東昏黨孫文明所害天監初謚愍使持節都督雍梁北秦東益郢州之竟陵司州之隨郡諸軍事平北將軍寧蠻校尉張續字伯緒弘策子出後弘籍爲咎所害元帝承制謚簡獻

散騎常侍尚書右僕射霄城侯范雲字彥龍南鄉無陰人天監二年謚文

初禮官請謚曰宜勅賜謚文

衛尉卿散騎常侍寧都縣侯楊公則字君翼天水西縣人天監四年謚烈

尚書左僕射金紫光祿大夫豐城縣公夏侯詳字叔業譙

郡人天監六年謚景 使持節都督尉州緣淮南豫霍
義定五州軍事平北將軍豫南豫二州刺史豐城縣公
夏侯直字世龍詳子中大通元年謚襄 使持節都督
豫淮陳頴建霍義七州諸軍事豫州刺史保城侯夏侯
爽字季龍直弟大同四年謚桓

通直散騎常侍右衛將軍贈散騎常侍護軍將軍東興縣
侯鄭紹叔字仲明滎陽開封人天監六年謚忠

使持節安南將軍湘州刺史曲江縣侯柳惔字文通河東
解人天監六年謚穆 給事中光祿大夫州陵伯柳忱
字文深惔弟天監十年謚穆 使持節都督雍梁南北
秦四州諸軍事安北將軍寧城侯劉瓛字雲杜侯

柳慶遠字文和忱從父天監十年謚忠惠

寧朔將軍新安太守贈太常任昉字彥升樂安博昌人天監七年謚敬

右衛將軍開府儀同三司湘西縣侯曹景宗字子震新野人天監七年謚壯

中書監司徒衛將軍謝朓字敬冲陳郡陽夏人天監八年謚靖孝一單謚靖

中書監散騎常侍豫章縣公王亮字奉叔瑯琊臨沂人天監九年謚煬左光祿大夫儀同三司建城縣公王瑩字奉光亮從父兄天監十五年謚靜恭

散騎常侍領軍將軍贈驃騎將軍開府儀同三司平固縣

侯呂僧珍字元瑜東海范陽人天監十年謚忠敬

特進光祿大夫侍中太子少傅建昌縣侯沈約字休文吳

興武康人天監十二年謚隱

初有司謚曰文武帝曰懷情不盡曰隱故謚隱

南康內史沈旋字士規約子謚恭

侍中太尉王茂字休遠太原祁人天監十二年謚忠烈

散騎常侍國子祭酒贈侍中護軍將軍張充字延符吳郡

人天監十三年謚穆

通直散騎常侍丹陽尹宜陽縣侯王珍國字德重沛郡相

人天監十四年謚威

信武將軍豫州刺史南汝陰太守贈左衛將軍滄涯縣侯

馬仙琕字靈馥扶風郿人天監十四年謚剛

東陽太守湘西侯席闡文安定臨涇人武帝天監中謚威
左衛將軍通直散騎常侍石陽縣侯張惠紹字德繼義陽
人天監十八年謚忠 衛尉卿太子左衛率張澄惠紹
子謚愍

散騎常侍領左軍將軍豫寧伯馮道根字巨基廣平鄆人
普通元年謚威

侍中車騎將軍梁都侯韋叡字懷文京兆杜陵人普通元
年謚嚴 持節督北徐州諸軍事信武將軍北徐州刺
史永昌縣侯韋放字元直叡子大通二年謚宣 散騎
常侍贈護軍將軍韋粲字長倩叡之孫與侯景戰死賊
平簡文追謚忠貞

持節督豫州北豫霍三州諸軍事豫州刺史宣毅將軍贈
侍中左衛將軍夷陵縣子裴邃字深明河東聞喜人普
通五年謚烈 少府卿裴之禮字子義邃子謚壯 特
進金紫光祿大夫都城縣男裴之高字如山邃姪元帝
承制謚恭 使持節鎮北將軍徐州刺史都督衆軍贈
侍中司空豫章侯裴之橫字如嶽之高弟沒於陣晉安
王承制謚忠壯

侍中王峻字茂遠瑯琊臨沂人普通三年謚惠

散騎常侍金紫光祿大夫王志字次道瑯琊臨沂人齊侍
中僧虔子普通四年謚安 散騎常侍左驍衛將軍王
泰字仲通志兄慈之子天監時謚夷 秘書監王彬字

思文志弟天監時謚惠 度支尚書贈侍中金紫光祿
大夫南昌侯王騫字思寂本名玄成志從子儉之子普
通三年謚安 左兵尚書贈散騎常侍光祿大夫南昌
侯王規字威明騫之子大同二年謚章一謚文 尚書
左僕射領國子祭酒王暕字思晦騫弟普通四年謚靖
戎昭將軍東陵太守王承字安期暕子太同時謚章
侍中王訓字懷範承弟謚溫 侍中尚書王瞻字思
饒志從父兄武帝時謚康

永寧太守安昌侯張齊字子鄉馮翊郡人普通四年謚莊
護軍將軍營道侯昌義之歷陽烏江人普通四年謚烈
宣毅將軍吳郡太守蔡樽字景節濟陽考城人普通四年

謚康

侍中特進左光祿大夫王份字秀文瑯琊臨沂人普通五年謚胡 吏部郎中贈侍中王錫字公嘏份之孫大通六年謚貞 太子中庶子贈侍中王僉字公會錫弟承聖三年以賢而不伐追謚恭

右驍衛將軍知詹事贈侍中護軍將軍周捨字昇逸汝南安城人普通五年謚簡

使持節散騎常侍瓜牙將軍南城縣侯王神念太原祁人普通六年謚壯元帝時改謚忠

西陽武昌二郡太守贈左衛將軍吉士瞻字梁容馮翊蓮勺人普通七年謚胡

衛尉卿南陽縣男康詢字長明華山藍田人普通七年謚壯

光祿大夫江舊字彥標濟陽考城人大通七年謚肅

散騎常侍兼國子祭酒贈侍中明山賓字孝若平原潯人
大通元年謚質

潯陽太守贈侍中到洽字仲度彭城武原人大通元年謚理

散騎常侍金紫光祿大夫本州大中正傳昭字茂遠北地
靈州人大通二年謚貞

光祿大夫領步兵校尉南北兖二州大中正江革字休映
濟陽考城人大通二年謚疆

宣惠將軍金紫光祿大夫監揚州事孔休源字慶緒會稽山陰人大通四年謚貞

金紫光祿大夫特進揚州大中正陸杲字明霞吳郡人大通四年謚質一謚靖

侍中特進金紫光祿大夫贈本官加雲麾將軍蕭琛字彥瑜蘭陵人大通元年謚平

鴻臚卿領步兵校尉贈散騎常侍裴子野字幾原河東聞

喜人中大通二年謚貞

先是五等君及侍中以上乃有謚子野特以令望見嘉故

賜謚焉

國子祭酒散騎常侍殷鈞字季和陳郡長平人中大通四年謚貞

特進右光祿大夫侍中中衛將軍徐勉字修仁東海郟人
大同元年謚簡肅

持節都督南北司西豫豫四州諸軍事仁威將軍南北司
二州刺史永興縣侯陳慶之字子雲義興人大同五年
謚武

秦州刺史杜懷寶京兆杜陵人大同五年謚桓 散騎常
侍江州刺史枝江縣公杜崩懷寶子承聖時謚武

侍司空袁昂字千里陳郡陽夏人大同六年謚穆正
吏部尙書劉孺字孝稚彭城人大同八年謚孝

領軍將軍藏盾字宜卿東莞莒人大同八年謚忠

鴻臚卿贈散騎常侍顧協字正禮吳郡人大同八年謚溫

大尉宋王元法僧魏氏支屬明帝孝昌元年南奔武帝時
謚襄厲

太子左衛率贈侍中徐摛字士秀東海郟人太宗被侯景
幽閉感疾卒謚貞

吳興太守贈侍中中衛將軍開府儀同三司張嶮字四山
吳郡人爲侯景所害元帝時謚忠貞

戎昭將軍通直散騎常侍南津校尉贈侍中江子一字元
貞濟陽考城人元帝時謚議 尚書左丞贈黃門侍郎

江子四子一弟元帝時謚毅 東宮直殿主帥贈中書

侍郎江子五子四弟兄弟俱死侯景之難元帝時謚烈

湘州刺史贈十五州諸軍事楊州刺史侍中特進開府錄

尚書事巴陵郡王王琳字子珩會稽山陰人爲陳將吳
明徹所害敬帝時謚忠武

贈侍中太常卿陳道巨卽陳高祖霸先之祖太平二年謚
孝

北豫州刺史成景雋字仲超范陽人能爲父復讐謚忠烈
右衛將軍當陽縣侯鄧元起字仲居南當陽人謚忠

懷景王祭之臣謚

中書監中權大將軍領吏部尚書贈司徒安豐公蔡大寶
字敬位濟陽考城人歸之三年謚文凱 散騎常侍衛
尉卿都官尚書太常卿贈金紫光祿大夫蔡大業字敬
道大寶弟謚簡

侍中中衛將軍尚書令開府儀同三司領荊州刺史贈司空新康公王操字子高其先太原晉陽人營母龔氏之外弟歸謚爲康節

柱國車騎將軍贈司空上黃縣侯魏益德襄陽人歸卽位謚忠壯

大將軍贈太尉建興縣公李廣會稽人爲吳明徹所擒不弔被害謚忠武

散騎常侍起部尚書贈太常卿岑書方字思義南陽棘陽人謚敬

度支尚書贈太常卿傅淮北地人歸之七年謚敬康
護軍將軍新野侯尹正天水人謚剛

陳帝后世子謚

太祖皇帝姓陳氏名文讚吳興長城下若里人梁敬帝太平元年追贈侍中光祿大夫封義興郡公謚恭永定元年勗先受禪追謚景 董皇后追謚安文帝天嘉元年改謚景文 張氏太平二年追封義興太夫人謚宣張氏高祖前母故不加尊號

高祖皇帝名勗先文讚子太平二年受梁禪永定三年薨謚武 董皇后名嬰兒吳興烏程人本姓鈕父景明爲章氏所養因姓焉母蘇初帝爲長城縣公拜夫人後立爲皇后薨謚武宣 帝先娶同郡錢仲方女早卒後追尊爲皇后謚昭

世祖皇帝名清武帝兄始興昭烈王之長子天康元年崩
謚文 沈皇后無謚

高宗皇帝名頊始興昭烈王次子光大二年嗣廢帝卽位
大建十三年崩謚孝宣 柳皇后無謚

後主名叔寶宣帝子隋文帝謚爲煬

武帝世子克永定元年追號爲太子謚孝懷

陳宗室謚

始興王道談高祖兄梁敬帝太平二年贈南兖州刺史

城縣公謚忠烈 一謚昭烈

南康王休光高祖弟太平二年贈侍中南徐州刺史武康
縣侯謚忠壯 休光子曇朗爲齊人所害天嘉二年贈侍

中安東將軍開府儀同三司南徐州刺史謚愍

永修侯操字公正高祖疎屬天嘉元年謚定

豫章王立高祖子永定二年追謚獻

長沙王權高祖子永定二年追謚思

衡陽王昌字敬業高祖第六子世祖天嘉元年溺于江謚

獻

河東王叔獻字子恭高宗第九子大建十二年謚康簡

陳公主謚

永世公主高祖長女永定二年追謚懿

陳諸臣謚

使持節通直散騎常侍平北將軍南兖州刺史臨江縣侯

杜僧明字弘照廣陵澤人高祖初謚威

使持節散騎常侍鎮南將軍開府儀同三司贈侍中司空

壽昌縣公周文育字景德義興陽羨人爲熊曇朗所害

高祖時謚忠愍

廣德侯章景明吳興武康人宣皇后父永定三年追謚溫

贈光祿大夫建成侯沈法深吳興武康人文帝后父帝卽

位追謚恭

安左將軍散騎常侍北江州刺史彭澤縣侯魯悉達字志

通扶風郿人文帝初謚孝

散騎常侍吳興太守漢陽縣侯胡頴字方秀吳興東遷人

文帝天嘉元年謚壯

使持節都督湘桂郢巴武元六州諸軍事湘州刺史贈侍
中驃騎大將軍大司馬零陵郡公侯璵字伯玉巴西充
國人天嘉二年謚壯肅

員外散騎侍郎侯敦始興曲江人天嘉二年墮馬卒追謚
愍

太子中庶子領大著作揚州大中正贈侍中虞荔字山披
會稽餘姚人天嘉二年謚德

明威將軍通直散騎常侍贈侍中原鄉侯沈炯字禮明吳
興武康人天嘉時謚恭

員外散騎常侍中書舍人贈司農卿顏見字元明瑯琊臨
沂人天嘉二年謚貞

散騎常侍都督衡州諸軍事開府儀同三司征南將軍陽山郡公歐陽顥字靖世長沙臨湘人天嘉四年謚穆

安前將軍右光祿大夫魚復縣侯徐世譜字興宗巴東魚復人天嘉四年謚桓 貞外散騎常侍安遠將軍贈直散騎常侍徐世休世譜弟光大二年謚莊

使持節散騎常侍都督南豫州緣江諸軍事南豫州刺史西豐縣侯周敷字仲遠臨川人爲周迪所害天嘉五年謚脫

使持節安北將軍散騎常侍都督霍晉合三州諸軍事合州刺史興寧縣侯荀朗字深明潁陰人天嘉六年謚壯右衛將軍領前將軍贈侍中始平縣伯趙知禮字齊旦天

水隴西人天嘉六年謚忠

散騎常侍右衛將軍贈仁威將軍光祿大夫裴之平河東
聞喜人文帝天康元年謚僖

石衛將軍領衛尉卿壽昌縣公周寶安字安民文育子天
康元年謚成

雲旗將軍西陽武昌二郡太守陸山才字孔章吳郡人天
康元年謚簡

散騎帝侍中書令領前將軍謝哲字穎豫陳郡陽夏人廢
帝臨海王光大元年謚康

五兵尚書蕭乾字思暢蘭陵人光大元年謚靜

持進左光祿大夫領丹陽尹贈侍中司空東安亭侯王冲

字長深瑯琊臨沂人光大元年謚元簡 侍中尚書左

僕射王瑒字子璵冲子大建六年謚光 侍中王瑜字

子珪瑒弟天嘉二年謚貞

尚書左僕射袁樞字踐言陳郡陽夏人光大元年謚簡懿

雲旗將軍司徒左長史贈金紫光祿大夫袁泌字文

洋樞從父光大元年謚質 太常卿散騎常侍特進金

紫光祿大夫袁敬字子恭泌之兄後主至德三年謚靖

德

使持節都督郢巴武三州諸軍事安西將軍郢州刺史重

安公程靈洗字玄滌新安海寧人光大二年謚忠壯

司空使持節車騎將軍贈太尉湘東郡公徐度字孝節安

陸人光大二年謚忠肅 持節都督安元潼三州諸軍事壯武將軍安州刺史湘東郡公徐敬成度之子大建七年謚思

都官尚書領羽林監豫州大中正贈侍中中書令謝嘏字含茂陳郡陽夏人宣帝大建元年謚光

雲麾將軍義興太守建成侯沈欽法深子大建元年贈侍中特進翊左將軍謚成

都督荊州刺史益陽縣侯陸子隆字興世吳郡吳人大建元年謚威

使持節都督郢巴武三州諸軍事雲麾將軍郢州刺史永安縣侯錢道戢字子韜吳興長城人大建二年謚肅

大府卿都官尚書王質字子貞臨沂人大建二年謚安

尚書右僕射領右軍將軍王勣字公濟質之兄大建四年謚溫 特進左光祿大夫侍中安右將軍王通字公達濟兄宣帝大建六年謚成 太中大夫太常卿南徐州大中正王固字子堅通弟至德三年謚恭

中書令驍騎將軍揚東揚二州大中正金紫光祿大夫張種字士苗吳郡吳人大建五年謚元

金紫光祿大夫贈侍中領軍將軍沈巡吳興人謚敬 侍中尚書右僕射贈翊左將軍開府儀同三司望蔡縣侯沈君理字仲倫巡之子大建五年謚貞憲 衛尉卿平越中郎將都督廣州刺史沈君高字季高君理第六弟

大建十年謚祁

尚書右僕射贈侍中中書監周弘正字思行汝南安城人
大建六年謚簡

持節西道都督安蘄江衡司定六州諸軍事平北將軍定
州刺史龍源侯周良字文昭汝南安城人大建八年謚
壯

侍中散騎常侍持節都督豫建光朔合北徐六州諸軍事
征西大將軍豫州刺史儀同三司義陽郡公黃法氈字
仲昭巴山新建人大建八年謚威

少府卿贈廷尉卿陸見賢吳郡人大建十年謚平

尚書左僕射贈特進陸縉字士儒見賢從父大建十二年

謚安

侍中光祿大夫永成縣侯杜稜字雄盛吳郡錢塘人大建

十三年謚成

忠毅將軍散騎常侍桂州刺史汝南侯贈廣州刺史吳超

秦郡人謚節

侍中安右將軍左光祿大夫太子少傅南徐州大中正贈

鎮右將軍特進建昌侯徐陵字孝穆東海郟人至德元

年謚章僞

散騎常侍特進金紫光祿大夫東興侯沈恪字子恭吳興

武康人至德初謚元

散騎常侍右衛舍人贈侍中護衛將軍文招侯司馬申字

季和河內溫人至德四年謚忠

申善為儀侍嘗書其
尚書省下有烏啄其

口流血

五兵尚書富陽侯孫瑒字德璉吳郡吳人禎明元年謚
桓

度支尚書贈侍中撫軍新豐縣侯黎景歷字茂世濟陽考
城人初謚敬禎明三年謚忠敬

北魏帝后謚

成皇帝名毛世為代北鮮卑君長姓拓跋氏後改氏元追
謚成

節皇帝名貸追謚節

莊皇帝名觀追謚莊

明皇帝名樓追謚明

安皇帝名越追謚安

宣皇帝名推寅追謚宣

景皇帝名利追謚景

元皇帝名俟追謚元

和皇帝名肆追謚和

定皇帝名機追謚定

僖皇帝名蓋追謚僖

威皇帝名濬追謚威

獻皇帝名憐追謚獻

聖武帝名詰汾獻皇子追謚聖武

始祖神元皇帝名力微聖武子年一百四歲平文皇帝卽
位尊爲始祖謚神元

文皇帝名沙漠汗神元子謚文

章皇帝名悉鹿神元子謚章

平皇帝名綽章弟謚平

思皇帝名弗文帝少子謚思

昭皇帝名祿官神元子謚昭

桓皇帝名綺鉋文帝長子謚桓

穆皇帝名綺盧桓帝弟謚穆

太祖平文皇帝名鬱律思帝子謚平文廟號太祖

惠皇帝名賀儔桓帝仲子謚惠

煬皇帝名紇那惠帝弟謚煬

烈皇帝名翳槐平文長子謚烈

高祖昭成皇帝名什翼犍平文次子謚昭成廟號高祖

獻明皇帝名寔昭成子謚獻明

太祖道武皇帝名珪獻明子以登國元年卽代王位天興元年卽帝位天賜六年爲拓跋紹所弑永興二年謚宣武泰常六年改謚道武 劉皇后登國初爲夫人明元卽位追尊爲太后謚宣穆

太宗明元皇帝名嗣道武長子天賜六年冬十月卽位泰常八年崩謚明元 姚皇后父興初爲夫人泰恒五年追尊爲皇后謚昭哀 杜皇后魏郡鄴人陽平王超之

妹也初爲貴嬪泰恒五年太武追尊爲皇后謚密

世祖太武皇帝名燾明元長子泰常八年十月卽位正平二年爲宗愛所弑謚太武 賀皇后代州人初爲夫人神麇元年薨後追尊爲皇后謚敬哀

高宗文成皇帝名濬太武嫡孫景穆太子之子正平十二年卽位和平六年崩謚文成 馮皇后長樂信都人父朗母樂浪王氏后太和十四年崩謚文明

顯祖獻文皇帝名弘文成長子和平六年五月卽位皇興五年崩謚獻文 李皇后中山安喜人南郡王惠之女初拜夫人承明元年追尊爲皇后謚思

高祖孝文皇帝名宏獻文長子皇興五年卽位太和二十

三年崩謚孝文 林皇后平涼人父勝平原太守后以太和七年薨謚貞 馮皇后父熙太師母常氏后有寵於孝文孝文死遺詔殺之以有姪行也謚幽 高皇后司徒公肇之妹父颺母蓋氏后薨謚文昭貴人宣武以所生追尊爲后

世宗宣武皇帝名恪孝文第二子太和二十三年卽位延昌四年崩謚宣武 于皇后以十四爲貴人甚見寵立爲皇后後暴崩謚順 胡皇后安定臨涇人父國珍母皇甫氏初誕明帝進位充華嬪明帝踐祚尊爲皇后爾朱榮亂沈於河孝武時追謚曰靈

肅宗孝明皇帝名詡宣武第二子延昌四年正月卽位武

泰元年崩謚孝明 胡皇后卽靈太后從兄盛之女武泰初入道出居瑤光寺

敬宗孝莊皇帝名子攸彭王勰第三子武泰元年四月卽位永安三年爲爾朱榮之黨所殺中興二年謚武懷大昌元年又謚孝莊

節愍帝名恭字修業廣陵惠王羽之子普泰元年卽位二年爲高歡所弑西魏追謚節愍

孝武皇帝名修字孝則廣平王懷之子以復廢帝中興二年卽位永熙三年爲宇文泰鳩弑謚孝武

孝靜皇帝名善見清河王亶之子永熙三年十月卽位是爲東魏武定八年遜位於齊封爲中山王齊天保二年

殂三年謚孝靜 后高氏齊獻武王第二女受禪後復
爲楊遵彥妻

文皇帝名寶炬孝文之孫京兆王愉之子大統元年卽位
是爲西魏十七年崩謚文 乙弗皇后洛陽人父瑗儀
同三司兗州刺史母淮陽長公主孝文之第四女后以
郁久閭悼后故出家爲尼尋賜死帝追念不已謚文皇
后 郁久閭皇后蠕蠕主阿那瓌之長女年十六以產
而崩謚悼

恭皇帝名廓文皇第四子廢帝三年正月卽位在位三年
遜位於周封爲宋公尋殂謚恭

恭宗皇帝名浟太武長子延和元年立爲皇太子正平元

年薨謚景穆興安元年追尊爲皇帝 妃郁久閭氏謚

恭皇后

文穆皇帝名勰字彥和獻文子初封彭城王永平元年爲
高肇所殺謚武宣後莊帝以所生父追謚文穆皇帝

妃李氏謚文穆皇后

孝宣皇帝名劼字子納勰之子初襲封彭城王遇害河陰莊

帝追謚孝宣皇帝 妃李氏謚文恭皇后

孝穆皇帝名懷孝文子初封廣平王熙平二年薨謚文穆

孝武以祖故追謚武穆皇帝 妃馮氏謚武穆皇后

文景皇帝名愉字宣德孝文子初封京兆王大統元年文

皇以所生父追謚文景皇帝

北魏宗室謚

順陽王郁桓帝子後獻文追謚簡

高涼王孤平文帝子道武時謚神武 孤之孫禮謚懿

孤六世孫松滋侯長謚成 孤六世孫上黨王天穆節

閔帝時謚武昭

贈河間公興都烈帝孫獻文時謚宣

興都子樂成侯丕宣武景明四年謚平

淮陵侯贈高平公大頭烈帝曾孫謚烈

河間公齊烈帝玄孫謚敬

秦王翰昭成第三子建國十年謚明 翰子陰平王烈以

迎立太宗功封謚僖 烈弟秦王觚爲慕容麟所害太

祖追謚愍 翰孫中山王纂謚簡纂子新蔡公幹文成
時謚昭 幹子沛郡公禎謚簡

常山王素昭成孫明元時謚康 素子城陽公忠孝文太
和四年謚宣 忠子贈豫州刺史秉字壽興爲王顯讓
死胡太后臨朝追謚莊 忠弟平城鎮將淑孝文時謚
靜 淑子馮翊王季海字元泉謚穆 忠弟德之子光
州刺史惺謚恭 惺子尚書左僕射贈使持節督中外
諸軍事司空公惲字景襲明帝神龜元年謚文憲 惺
子瀛州刺史贈司徒公嶷字子仲孝靜時謚靖懿 素
孫陳郡王玄孝武時謚平 秉弟益生子魏郡王毗字
休暢謚景

陳留王虔昭成子紇根之子太祖時謚桓 虔之子崇太

祖時謚 虔兄顗之子隴西公綸文成時謚定

武遂子拔干昭成孫意烈之子謚靈

臨淮王他道武孫太和十二年謚靖 他子平地將軍幽

州刺史篤字阿戎謚貞 他孫臨淮王顗謚僖 顯子

世遵孝昌元年謚康 世遵弟均之子安康伯忻之爲

反賊樊子鵠所害以歿王事謚文貞

武昌王提道武孫獻文大安元年謚成 提子平原太和

十二年謚簡 平原次子鑒字紹達謚悼

南平王霄道武魯孫太和十七年謚安 霄子江陽王繼

字世仁以後江陽王根莊帝永安二年謚武烈 霄孫

伯和宣武永平八年謚哀 繼子給事黃門侍郎金紫

光祿大夫贈使持節都督涇岐秦三州諸軍事衛將軍

尚書左僕射秦州刺史爽孝武永熙二年謚懿

樂平王丕明元子謚戾

安定王彌明元子謚殤

永昌王建明元子謚莊 樂安王良明元孫文成時謚簡

臨淮王譚大武子謚宣 譚子長鄉侯提宣武時謚懿

提子臨淮王昌字法顯宣武時謚康 昌子或字文若

永熙末謚文穆 昌弟萬年鄉男字字秀和謚文簡

廣陽王建閭太武子謚簡 建閭子石侯謚哀 石侯

子遺興謚定 石侯弟嘉宣武時謚懿烈 嘉子深字

智遠爲葛榮所害莊帝時謚忠武 深于湛字士淵謚

文獻

南安王余太武子太武崩宦者宗爰迎立爲帝後爲宗爰
所殺文成葬以王禮謚隱

陽平王新成太武長子晃之子謚幽 新成長子順宣武

景明六年謚莊牘弟廣陵侯衍字安樂謚康

濟陰王小新成晃子謚惠 小新成子弼字邕明初奪爵

建義元年子暉業訢復永安二年追謚文獻 弼子衛

將軍右光祿大夫昭業謚文 小新成子麗字寶掌宣

武時謚威 小新成孫誕字曇首謚靜

汝陰王天賜晃子孝文時謚靈 天賜子齊州刺史暹字

萬安謚威 天賜子雍州刺史贈司空修義字壽安謚
文 安昌王均修義子西魏謚爲平

樂良王萬壽晃子文成時謚厲 萬壽子樂平謚康 廣
平王洛侯晃子文成時謚殤 洛侯嗣子濟南王匡字
建扶本陽平幽王子孝昌初謚文貞

任城王雲晃子太和五年謚康 雲子澄字道鎮神龜二
年謚文宣 澄子彝字子倫莊帝初河陰遇害謚文
彝兄東阿縣開國公順字子和河陰遇害莊帝謚爲文
烈 澄弟高平侯嵩字道嶽文成時謚剛 嵩次子世
儔孝靜興和中謚躁戾

南安王禎晃子太和二十年謚惠 禎子中山王英字虎

兒宣武永平三年謚獻武 英子熙字貞興延昌二年
爲長史柳元章等所害謚文莊 熙弟右將軍南徐州
刺史贈儀同三司都昌縣開國伯誘字惠興謚恭 誘
弟東平王略字儁興河陰遇害謚文貞

城陽王長壽兒子孝文延興五年謚康 長壽子鸞字宣

明宣武正始二年謚懷 鸞子徽字顯順永熙初謚文

獻

章武王太洛兒子獻文皇興二年謚敬

樂陵王胡兒兒子文成和平四年謚康 胡兒嗣子思譽

本汝陰王天賜子正始四年謚密 思譽子景略字世

彥明帝熙平元年謚惠

安定王休晃子太和十八年謚靖 休孫定安王琰字伏

寶謚懿 晃孫饒陽男遙字太原靈太后時謚宣 遙

弟侍中恒字景安歿於河陰之難謚宣穆 晃玄孫京

兆王恂字魏慶孝靜時卒於司州刺史謚文

安樂王長樂文成子孝文時謚厲 長樂子銓字搜賢謚

武康 銓子尚書令贈太尉斌之字子爽文帝末謚武

襄

廣川王略文成子太和四年謚莊 略子諸字仲和太和

十九年謚剛 諸子靈道謚悼

齊郡王簡字叔亮文成子太和二十三年謚靈宣武時改

謚順 簡子祐字伯授謚敬

河間王若字叔儒文成子未封而薨追謚孝

安豐王猛字季烈文成子太和中謚匡 猛子延明永熙

初謚文宣

趙郡王幹字思直獻文子太和二十二年謚靈 幹子謚

孝明王光五年謚貞景 謚子毓字 春河陰遇害謚

宣恭 謚兄謚字伯興孝靜天平三年謚孝懿

廣陵王羽字叔翻獻文子宣武時謚惠 羽子欣字慶樂

恭帝初謚容

高陽王雍字思穆獻文子河陰遇害謚文穆 雍子泰字

伯昌謚文孝一單謚文 泰弟新陽縣開國伯誕字文

發天平三年謚文獻

北海王詳字季豫獻文子宣武永平元年謚平

始平王子正勰之子遇害河陰莊帝時謚貞

汝南王悅孝文子孝武忌而殺之謚文宣

清河王懌字宣仁孝文元子爲元義所害神龜二年追封
爲范陽王謚文獻

續文獻通考卷之一百四十終

續文獻通考卷之一百四十一

皇明進士雲間王圻纂輯

謚法考

北魏諸臣謚上

安遠將軍贈左光祿大夫幽州刺史高陽公許謚字元遜
代人太祖道武皇始元年謚文 明壘鎮將北地公許
洛陽謚子太武時謚恭 揚威將軍廣寧滄水二郡太
守東光侯許安都洛陽弟獻文天安初謚烈

太尉豫州刺史宜都公穆崇代人太祖天賜三年謚丁

衛王議謀逆崇與馬道武惜其功而秘之及有司奏謚
道武親覽謚法至述議不克曰丁曰此當矣乃謚丁公
太尉駙馬都尉贈宜都王穆觀字闡拔崇子明元時謚文

成 侍中富城公穆乙九崇孫謚靜 侍中北部尙書

贈司空穆怛頭乙九第謚敬 南部尙書侍中穆真乙

九子謚宣 虜尙書征虜將軍涇州刺史贈征西將

軍雍州刺史穆蒲坂乙九子謚昭 員外散騎侍郎代

郡太守征東將軍金紫光祿大夫穆韶字文興蒲坂子

謚文 侍中中書監南部尙書征東大將軍駙馬都尉

贈太尉宜都王穆壽觀子太武太平真君八年謚文宣

司衛監長寧子穆多侯壽弟謚烈 駙馬都尉宜都

王穆伏干觀孫文成和平二年謚康 尙書令司空公

贈太尉頓丘縣公穆亮字幼輔觀孫宣武景明三年謚

匡 驃騎大將軍開府青州刺史加都督駙馬贈大將

軍尚書令太保穆紹字永業亮子孝明普泰元年謚文
獻 內都大官贈征西大將軍建安王穆顓觀弟天安
元年謚康 華州刺史穆弼觀弟翰之孫宣武時謚懿
平北將軍并州刺史金紫光祿大夫穆鑣崇族人孝
明時謚安

兗州刺史藍田侯長孫肥代人道武天賜五年謚武 平
南將軍平陽王長孫翰肥之子大武神廟三年謚威
駕部尚書吳郡公贈散騎常侍吳郡王長孫陵一名陳
翰之弟文成興光五年謚恭 樂部尚書寧西將軍臨
淮公長孫石洛肥弟亦干子神廟中謚簡

聊成侯贈冀州刺史薛達頭代人道武時謚悼 并太二

州刺史河東公薛野豬達頭子和平末謚簡 徐州刺

史薛彪子野豬子孝文太和十五年謚文

天部大人白馬公贈司空崔宏字玄伯清河東武城人太

宗明元泰常三年謚文 平西將軍副將行樂安王傅

濟南公崔徽字玄猷宏弟太平真君四年謚元 贈涼

州刺史武陵公崔劄字伯宗文成時謚元 秦州刺史

贈冀州刺史齊郡公崔衡字伯玉劄孫太和十二年謚

惠 龍驤將軍平州刺史臨淄子崔景徽字文敷清河

崔道固之子謚定

醫令位特進成德侯周澹京兆鄠人善醫泰常四年謚恭

散騎常侍宣城公車路頭代人泰常六年贈侍中左衛大

將軍太師宣宣城王謚忠貞

贈征西大將軍右光祿大夫始平公司馬休之字季豫河
內溫人明元時謚聲

假節侍中鎮西大將軍開府儀同三司雲中鎮大將朔州
刺史瑯琊王司馬楚之字德秀文成和平五年謚貞

侍中鎮西大將軍朔州刺史吏部尚書司馬金龍字榮
則楚之子太和八年謚康 司州治中別駕河內邑中

正贈鎮遠將軍南青州刺史司馬纂字茂宗金龍子宣
武永平元年謚肅 豫州刺史贈青州刺史漁陽子司

馬悅字慶宗金龍第三子宣武時謚莊

陳郡太守贈懷州刺史溫縣侯司馬靈壽太和元年謚靖

行人許剛不知何許人世祖太武初出使車師道病死謚貞

白道守將贈安北將軍顯美侯段進不知何許人太武初爲蠕蠕所殺謚莊

湘州刺史贈東平將軍廣平公張蒲字玄則河內脩武人本名謨太武始光三年謚文恭

冀青二州刺史高陽公贈高陽王安同遼東胡人其先本安息國人大武神麤二年謚恭惠 援軍將軍西平王安頡同子神麤四年謚襄

內都大官贈定州刺史中山公李先字容仁中山盧奴人神麤二年謚文懿

鎮西大將軍安定公莫雲鴈門繁時人神廟中謚敬

征東將軍定州刺史永安公劉羅辰代人宣穆皇后兄謚
敬 武衛將軍劉求引羅辰孫謚貞 衛將軍西兖州
刺史贈衛大將軍吏部尚書青州刺史劉仁之字山靜
羅辰玄孫武定二年謚敬

侍中儀曹尚書濮陽公谷渾字元冲昌黎人太武延和二
年謚文宣 外都大官濮陽公谷闡字崇基渾子孝文
延興四年謚簡 太府少卿贈榮州刺史谷頴闡孫神
龜二年謚貞

中書侍郎兼散騎常侍下博侯鄧頴安定人延和三年謚
文恭 黃門侍郎兼尚書假散騎常侍安陽縣開國子

鄧羨穎玄孫祐龜初謚恭 司空長史鄧述穎之孫謚

貞

大將軍西秦王吐谷渾慕瓚遼東鮮卑人太武泰延二年謚惠

外都大官南郡公毛修之字敬文陽武人泰延二年謚恭

殿中尚書贈征東大將軍南郡王毛法仁修之子和

平六年謚威 散騎常侍贈豫州刺史南郡 毛猛虎

法仁子太和初謚康

征南大將軍丹陽王叔孫建代人泰延三年謚襄 衛將

軍贈司空安成王叔孫俊字醜歸建之子泰常元年謚

孝元

安東將軍湘州刺史武昌公許彥字道謨高陽新城人太
武太平真君二年謚宣中書郎贈安東將軍冀州刺
史武昌公許安仁彥孫謚簡廷尉少卿贈征虜將軍
營州刺史武昌公許元康安仁子謚肅

太保錄尚書事襄城公贈襄城王廬魯元昌黎徒河人太
平真君三年謚孝襄城王廬統魯元子文成興安二
年謚景襄城王廬彌娥統弟謚恭

廬陵公贈司空來大千代人太武時謚莊相曹都典奉
事贈寧南將軍陳留公來丘頽大千子獻文皇興四年
謚簡

太常卿贈雍州刺史隴西王姚黃眉明元昭哀皇后之弟

太武時謚獻

長樂太守信都侯屈須昌黎徒河人謚恭 尚書右僕射

侍中濟北公屈恒字長生須子太平真君四年謚成

尚書右僕射加侍中屈道賜恒次子太武時謚哀 東

陽鎮將贈青州刺史屈車渠須孫孝文時謚莊

征南大將軍太宰駙馬都尉陽平王杜超字祖仁魏郡鄴

人密皇后之兄太平真君五年爲帳下所害謚威 內

都大官贈太傅廣平王杜遺超從弟謚宣 司空贈散

騎常侍安南將軍南康公杜道儁超子謚昭

內都大官贈鎮西將軍秦雍二州刺史涪陵郡公薛謹字

法順河東汾陰人太平真君五年以從駕後期見殺謚

元 鎮西大將軍開府儀同三司贈左光祿大夫河東
公薛洪祚賜名初古拔謹之子太和八年謚康 立忠
將軍河北太守河東公薛胤字寧宗洪祚子太和二十
三年謚敬 中書博士贈河東太守薛麟駒洪祚從子
太和十年謚宣 都督齊州刺史贈車騎大將軍儀同
三司延州刺史薛聰字延智洪祚從子太武時謚簡懿
侍郎行司徒校尉宋宣字道茂廣平列人人太平真君七
年贈司隸謚簡 廣平太守贈安遠將軍相州刺史列
人子宋愔道茂姪興安五年謚惠 右衛將軍領黃門
兼祠部尚書攝七兵事贈瀛州刺史宋弁字義和愔孫
太和末謚貞順 司徒左長史河南尹贈驃騎大將軍

儀同三司尚書左僕射雍州刺史朱翻字飛鳥并族弟
莊帝永安三年謚貞烈

贈安西將軍秦州刺史馮翊公冠修之字延期上谷人太
武時追謚哀 南雍州刺史河南公冠讚字奉國修之
子太平真君九年謚宣穆

萬騎大將軍弘農王奚斤代人太平真君九年謚昭 澄
成縣開國侯贈征遠將軍洛州刺史奚遵斤玄孫謚哀
尚書贈廣陽侯公孫質字元直燕郡廣陽人太平真君九
年謚恭 南部尚書陽平公公孫獻字文叔質之姪謚
宣

光祿勳廣陵王綏伏連代人太平真君十年謚恭 散騎

常侍尚書安北將軍湘東公婁真伏連子從征涼州卒
謚莊 中都大官贈平東將軍定州刺史婁大拔真弟
文成時謚康 霸成男贈安東將軍冀州刺史陽平公
婁安文伏連兄孫文成興安初以其子毅貴追謚定
梁城戍將贈洛陵太守潁川公晁清遼東人太武時謚忠
故姚泓安定護軍魏贈振威將軍秦州刺史石安縣子孫
瓚咸陽石安人太武時以子小爲宦者陳請謚戴

奮武將軍幽州刺史臨渭侯贈太保張袞字洪龍上谷沮
陽人太武時謚文康 都大官贈征東太將軍冀州
刺史張度袞次子謚康 大中大夫平皐侯張■字洪
讓袞弟明元神端三年謚宣 常山太守張代字定燕

恂子謚惠 散騎常侍殿中尚書贈湘州刺史廣平公
張白澤衮之孫太和五年謚簡

中書侍郎贈定州刺史刑頴字宗敬河間鄭人太武時謚
康 殿中尚書撫軍將軍贈車騎大將軍瀛州刺史刑
繒字洪賓頴孫宣武延昌三年謚文定 滄州刺史贈
尚書左僕射瀛州刺史刑晏字幼年繒弟孝昌中謚文
貞 通直散騎常侍中軍將軍贈車騎將軍都官尚書
冀州刺史刑昕字子明繒弟偉之子謚文 中書侍郎
太子中庶子贈建威將軍平州刺史樂成子刑產字神
寶繒從叔謚定 光祿少卿贈幽州刺史刑虬字神虎
繒從叔謚威 濮陽太守安東將軍贈鎮北將軍定州

刺史荆臧字子良虬子謚文

庫部尚書加散騎常侍贈中領軍燕郡公尉地干代人太
武時謚惠 侍中太尉贈大將軍漁陽王尉眷弟干兄
文成和平四年謚莊

寧南將軍虎牢鎮都副將贈安南將軍荊州刺史長社侯
王慧龍太原晉陽人太武時謚穆

太尉柱國大將軍北平王長孫嵩代人太武時謚宣 北
平王長孫頽嵩之子謚安 北鎮都將北平公長孫敦
字孝友頽之子孝文時謚簡 右衛將軍長孫道生嵩
僧敦子謚慎 司空侍中上黨王贈太尉長孫道生嵩
從子謚靖 征南大將軍上黨王長孫觀道生之孫謚

定 征南大將軍上黨王長孫幼初名冀歸孝文以其
幼承家業賜名幼字承業觀子文帝大統元年謚文宣
侍中外都大官贈寧東將軍幽州刺史屈蛇侯羅結代人
年一百二十歲卒太武時謚貞 柔玄鎮都大將軍帶
方公羅斤結子謚靜 散騎常侍庫部尚書贈安東將
軍幽州刺史帶方公羅敦斤子謚恭 司農卿光祿大
夫贈征北將軍燕州刺史帶方公羅伊利敦子宣武景
明初謚靜 征西將軍吏部尚書贈寧東將軍定州刺
史趙郡公羅拔歷敦弟謚康

寧西將軍涼州鎮都大將贈鎮西將軍秦州刺史東阿侯
高湖字太淵渤海蓟人卽齊神武之曾祖太武時謚

治書御史贈使持節侍中都督壽徐等五州諸軍事
驃騎大將軍太尉公青州刺史高謐字安平湖第三子
太昌初謐武貞 大都督贈使持節都督冀湘等六州
諸軍事大將軍太師錄尚書事冀州刺史渤海王高樹
謐子太昌初謐文穆 侍御中散贈使持節侍中都督
冀定洛瀛等十州諸軍事大將軍太傅太尉公錄尚書
事冀州刺史高翽字飛雀樹弟孝靜元象中謐孝宣
龍驤將軍涇州刺史帶金城太守贈使持節侍中都督
定相殷三州諸軍事驃騎大將軍儀同三司定州刺史
高真謐兄太昌元年謐武穆 河州別駕贈使持節侍
中都督青徐濟三州諸軍事儀同三司青州刺史高仁

真子太昌初謚明穆

假平西將軍員外散騎常侍贈使持節侍中都督冀定湘
瀛滄五州諸軍事司徒公冀州刺史高徽字榮顯孝武
永熙中謚文宣 龍驤將軍中散大夫征西都督贈侍
中驃騎大將軍儀同三司雍州刺史高歸義徽字太昌
初謚孝貞 龍驤將軍鉅鹿太守贈安東將軍幽州刺
史涇縣侯高恒字叔宗湖第道武時謚惠 鎮南將軍
相州刺史高道字如意恒子謚莊 白水太守贈使持
節都督秦雍二州諸軍事車騎大將軍司空公雍州刺
史高幹字干奴道子太昌初謚孝穆 南秦州長史贈
輔國將軍涼州刺史高侃字伯欣幹子謚宣

奉朝請員外散騎侍郎贈侍中都督青徐光三州諸軍事
驃騎大將軍儀同三司青州刺史高喬字明珍永熙中
謚文景

宋兵將軍交趾侯周幾代人太武時贈交趾公謚桓

洛州刺史贈定州刺史鉅鹿公李靈字虎符趙郡平棘人

高宗文成興安初謚簡長安鎮副將鉅鹿公李恢靈

子獻文皇興元年爲東平王道符所害謚貞河南太

守贈安州刺史平棘子李顯甫恢次子謚威侍中衛

尉卿贈使持節督定冀殷幽四州諸軍事大將軍司徒

定州刺史李元忠顯甫子孝靖武定三年謚敬惠征

東府司馬贈征虜將軍幽州刺史李道恢弟綜之子爲

京兆王愉所害謚簡 兖州刺史始豐侯李燦字世顯

靈弟均之子孝文元興元年謚懿 司徒司馬彭城鎮

副將李元茂璨子太和二十年謚順 幽州刺史李宣

茂璨子宣武延昌二年謚惠 南趙郡太守李叔胤宣

茂弟宣武景明三年謚惠 尚書左丞贈鎮遠將軍光

州刺史李仲胤叔胤弟謚恭 安南將軍贈侍中鎮西

大將軍太尉公高平王李順字德正靈從父弟崔浩讒

而誅之皇興初以子敷等貴盛謚宣 征東將軍揚州

刺史淮南大都督贈使持節都督定冀相殷四州諸軍

事驃騎大將軍儀同三司尚書令定州刺史李憲字仲

規順之孫永熙中謚文靜

憲身爲降虜已往賜死
乃更謚爲謚謬矣

上

黨太守贈使持節都督定冀滄瀛殷五州諸軍事驃騎
大將軍司空公殷州刺史李希宗字景玄憲子孝靖興
和二年謚文簡 趙郡太守贈荊州刺史栢人子李曾
順從父道武時謚懿 使持節散騎常侍秦州刺史宣
城公李孝伯曾之子太安五年謚文昭 中書侍郎贈
定州刺史平棘子李祥字元善孝伯兄文成時謚惠
侍郎中壘將軍元氏子李熙字仲熙順族弟神麴中與
高允俱被徵後卒謚莊 贈青州刺史元氏子李季主
熙子謚貞 征東將軍金紫光祿大夫贈驃騎大將軍
都官尚書定州刺史趙郡公李育字仲遠順族孫孝靜
天平四年謚貞 廷尉少卿贈平東將軍齊州刺史李

暉字景林育族弟孝昌二年謚宣 梁州刺史贈征虜
將軍幽州刺史容城伯李渙字仲文順之族謚昭 中
書侍郎兼通直散騎常侍贈瀛州刺史李同軌熙族孫
武定四年謚康

上將軍前部王贈鎮西大將軍秦州刺史車伊洛焉耆胡
興安二年謚康

長廣公贈長廣王豆代田代人興安中謚恭 吏部尚書
贈征北大將軍長廣王豆求周代田子皇興二年謚簡
龍驤將軍恒山太守贈涇州刺史安武侯韓耆字黃耆安
定安武人謚成 尚書令侍中征南大將軍太子少師
贈涇州刺史安定王韓茂字元興耆子高宗文成太安

二年謚桓 散騎常侍征南大將軍贈雍州刺史安定
公韓備字延德茂子謚簡 定州刺史安定公韓均字
天德備之弟延興五年謚康

外都大官東平郡王陸俟代人太安四年謚成 太保建
安王陸馥俟子延興四年謚貞 正平太守贈龍驤將
軍南徐州刺史陸凱字智君馥子正始初謚惠 東荆
州刺史贈吏部尚書陸恭之字季順凱子孝靜天平四
年謚懿 侍中撫軍大將軍司徒公平原王陸麗馥弟
獻文初謚簡 侍中鎮南將軍秦益二州刺史東郡王
陸定國麗長子太和八年謚莊 安北將軍湘州刺史
陸昕之字慶始定國子永平四年謚惠 中書監贈開

府儀同三司濮陽郡王陸子彰字明遠昕之從兄希道
子孝靜武定八年謚文宣 太常卿衛大將軍中書監
青州刺史陸希質字幼成定國從子武定七年謚文
陸儁代人俟族子謚貞 前將軍廣牧子陸清都麗弟
頽之子謚順 夏州刺史贈太僕卿陸珍馥從子謚靜
秘書監贈湘州刺史廣平侯游雅字伯度廣平任人高宗
文成和平二年謚宣 大鴻臚卿贈光祿大夫新泰伯
游明根字志遠雅從弟太和二十三年謚靖 尚書右
僕射贈使持節散騎常侍驃騎大將軍儀同三司冀州
刺史游肇字伯始明根子孝明正光元年謚文貞 國
子博士領尚書郎贈給事黃門侍郎幽州刺史高邑縣

侯游祥字宗良肇子孝昌元年謚文

侍中鎮東將軍幽州刺史魯郡公孔昭魏郡鄴人以密皇后親賜爵和平二年謚康 散騎常侍彭城鎮將都督東海公贈鎮東大將軍東海王孔伯恭昭子皇興二年謚桓

閭延代人本蠕蠕人恭后祖和平二年追謚襄康 閭辰定延之子恭后父和平二年追謚襄懿

內都大官新安侯贈淮陽王皮豹子漁陽人和平五年謚襄 散騎常侍安南將軍豫州刺史南康侯皮懷喜豹子之子太和七年謚恭

西道都將西平公乙瓌代人和平中謚恭 駙馬都尉秦

州刺史中道都將西平公乙乾歸瓌子尚景穆女安樂
公主延興五年謚康 散騎侍郎乙海字懷仁乾歸子
謚孝

外都大官楊難當氏人高宗時謚忠 鎮南將軍都督寧
湘等五州諸軍事贈車騎大將軍開府儀同三司楊集
始難當族謚安

故宋洛陽令魏贈平南將軍洛州刺史鞏縣侯張孟舒河
南鞏人高宗文成時以子宗之爲宦者有寵謚貞 殿
中給事中常侍贈涇州刺史涇陽侯張鸞旗孟舒子謚
靖

并州刺史安南將軍北海公王憲字顯則北海劇人猛之

後獻之帝天安初謚康

南兖州刺史王雲字羅漢

孫熙平二年謚文昭

陽夏子贈豫州刺史袁式字季祖陳郡陽夏人天安二年謚肅

中書侍郎贈秦州刺史聞喜侯裴駿字神駒河東聞喜人

皇興二年謚康

中大夫贈東秦州刺史裴脩字元寄

駿子太和十六年謚恭

七兵尚書贈司徒公裴詢字

敬叔脩子孝明武泰初河陰遇害謚貞烈

征虜將軍

南秦州刺史贈豫州刺史裴宣字叔令脩弟永平四年

謚定尋改爲穆

叅軍贈通直散騎侍郎裴莊伯字孝

夏宣子永安三年謚獻

太學博士贈中書侍郎裴敬

憲字孝虞宣第二子永興三年謚文 河東太守贈雍

州刺史裴雙彪謚順 衛大將軍大府卿贈侍中尚書

僕射裴良字元賓天平二年謚貞 司徒主簿贈河東

太守裴仲規沒于陣謚貞 司徒從事中郎贈東秦州

刺史裴叔義仲規弟正光五年謚宣 中軍大將軍贈

吏部尚書裴伯茂叔義子天平時謚文 華州刺史裴

宣明謚簡

中庶子陽都子贈冀州刺史武邑公賈秀本武威姑臧人

後家幽州獻文帝皇興三年謚簡 京兆王府外兵叅

軍贈河東太守賈景雋秀之宗人永平中謚貞

定州刺史平昌王和其奴代人皇興三年謚宣

鎮南大將軍徐州刺史贈秦州刺史河東王薛安都字休
達河東汾陰人皇興二年謚康 金紫光祿大夫散騎
常侍贈左光祿大夫敷西縣伯薛真度安都弟永平中
謚莊

假節都督秦涇梁益雍五州諸軍事開府王度廣甯人謚
莊

濟州刺史贈征西大將軍酒泉王唐和字穉起晉昌宜安
人皇興中謚宣

平南將軍北豫州刺史贈冠軍將軍安成侯尉撥代人獻
文時謚敬

吏部尚書贈太原王宿石朔方人高祖孝文延興元年謚

康

散騎常侍贈平東將軍幽州刺史固安侯盧玄字子真范陽涿人謚宣 散騎侍郎盧度世字子遷玄子延興元年謚惠 秘書監固安伯盧淵字伯源度世子宜武景明二年謚懿 司徒司馬贈太常卿盧道將字祖業淵子謚獻 左將軍涇州刺史盧道裕字寧祖道將弟神龜二年謚文 衛大將軍幽州刺史盧道虔字虔祖道裕弟天平時謚恭文 儀曹郎贈威遠將軍范陽太守盧敏字仲通淵弟太和時謚靖 都官尚書驃騎大將軍左光祿大夫贈大將軍儀同三司瀛州刺史盧義熙字遠慶敏子興和中謚孝簡 鎮西將軍散騎常侍盧

昶字叔達小字師顏敏弟熙平元年謚穆 輔國將軍
司徒司馬贈散騎常侍都督幽瀛二州諸軍事驃騎大
將軍吏部尚書盧元緝字幼緒昶子謚宣 侍中驃騎
將軍左光祿大夫儀同三司贈侍中都督冀滄瀛三州
諸軍事驃騎大將軍司空公冀州刺史彰武縣開國伯
盧同字叔倫玄族孫永熙初謚孝穆 青州刺史贈司
徒公尚書右僕射盧文偉字休族玄族子謚孝威 范
陽太守贈度支尚書盧恭道文偉子謚定
長安鎮將河南公陸貞代人延興二年謚烈

東徐州刺史贈青州刺史平陸侯張謨字處言清河東武
城人延興四年謚康

龍驤將軍滎陽太守贈使持節大將軍雍州刺史李承字
伯業隴西人延興五年謚穆 定州刺史散騎常侍贈
使持節散騎常侍車騎大將軍司空公雍州刺史李韶
字元伯承子正光五年謚文恭 撫軍將軍秦州刺史
贈侍中驃騎大將軍司徒公雍州刺史李彥字次仲韶
弟正光五年爲州民所害永安中謚孝貞 特進驃騎
大將軍開府儀同三司贈侍中驃騎大將軍太尉公都
督冀宣瀛三州諸軍事冀州刺史高平男李虔字叔恭
彥弟永安三年謚宣景 西兗州刺史鎮西將軍燉煌
侯李茂字仲宗承弟景明三年謚恭 鎮遠將軍潁川
太守贈征虜將軍秦州刺史李輔字督真茂弟太和六

上黨太守贈豫州刺史野王侯呂溫字希陽本東平壽張人後家幽州謚敬 內都大官山陽公呂羅漢溫子太和六年謚莊

徐州刺史東安伯刁廳字叔和渤海饒安人太和八年謚簡 洛州刺史刁遵字奉國廳子熙平元年謚惠 車騎將軍右光祿大夫贈司空刁整字景智遵子天平四年謚文獻 都官尚書衛大將軍合州刺史贈太尉高城縣侯刁宣字季達整弟謚武 驍衛大將軍左光祿大夫贈車騎大將軍曲成鄉男刁雙字子山廳族孫興和三年謚清穆

秘書令贈兗州刺史曲安侯程駿字麟駒其先廣平曲安

人後家涼州太和九年謚憲

虎牢鎮將零陵公仇儼中山人宦者洛齊養子太和九年謚靖

秘書令贈平東將軍幽州刺史都昌侯平恒字繼叔燕國剋人太和十年謚康

鎮軍大將軍贈侍中司空冀州刺史咸陽公高允字伯恭渤海人太和十一年謚文并州刺史高綽字僧裕允

孫正光三年謚簡一謚文簡散騎常侍贈臨邑子高

推字仲讓兄弟謚恭滄水太守浮陽子高濟字叔民

允從叔太武時謚宣尚書郎贈樂陵太守高當允族

孫謚恭假散騎常侍修縣侯贈冀州刺史假滄水公

高謙允從父謚康 光祿大夫贈太常高祐字子集謚

子太和二十三年太常議謚惕詔以不遵上命謚爲靈

征虜將軍中散大夫贈平東將軍滄州刺史建康子

高顥字明賢祐孫宣武時謚惠 驍騎將軍徐州行臺

高諒字修賢顥弟正光中爲元法僧所害謚忠

齊州刺史贈散騎常侍燕郡公韓麒麟昌黎棘城人太和

十二年謚康

征北大將軍司空河東王苟頴代人太和十三年謚僖

後將軍贈平北將軍并州刺史苟資頴子延昌末謚愍

下邳太守晉陽侯辛紹先隴西狄道人太和十二年謚惠

征虜將軍大中大夫贈後將軍幽州刺史辛穆字叔

宗紹先子孝昌二年謚貞

秘書監鄭義字幼麟榮陽開封人太和十六年謚文靈

初尚書奏謚宣詔曰蓋棺定謚先典成式激揚清濁政道明範義雖夙有文業而政缺兼清尚書何乃情遺至公愆違明典依謚法博聞多見曰文不勤成名曰靈可贈以本官加謚文靈

齊州刺史贈兗州刺史榮陽伯鄭懿字景明義子永平三年謚穆 秘書監鄭道昭字僖伯懿之弟熙平元年謚文恭 榮陽太守贈冠軍將軍豫州刺史開封侯鄭穎考義從兄子孝文時謚惠 濟州刺史輔國將軍贈本將軍豫州刺史鄭尚義從子謚惠 衛將軍右光祿大

夫贈尚書右僕射鄭士恭義弟承熙中謚貞 鴻臚少卿鄭胤伯義兄子謚簡 司州別駕贈散騎常侍兗州刺史鄭幼儒胤伯子謚景

司徒山陽郡公尉元字苟仁代人太和十七年謚景桓

恒州刺史博陵郡公尉翊元子謚順 尚書左民郎中贈鎮將軍洛州刺史尉靜寬翊弟謚敬

秦雍二州刺史遼西郡公贈假黃鉞太宰燕王馮朗遼西人文明太后之父太后臨朝追謚宣 車騎大將軍開

府都督洛州刺史贈假黃鉞侍中都督十州諸軍事大司馬太尉冀州刺史京兆郡公馮熙字晉昌朗之子太和十九年謚武 司徒車騎大將軍太子太師贈假黃

鉞使持節大司馬領司徒侍中都督太師駙馬都尉長樂郡公馮誕字思政熙之子太和十九年謚元懿

時有司奏謚詔曰按謚法善行仁德曰元柔克有光曰懿昔貞惠兼美受三謚之榮忠武雙徽錫兩號之茂式準前迹宜契具瞻既自少綢繆知之惟朕按行定名謚曰元懿

太子中庶子贈散騎常侍營州刺史高道悅字文欣遼東新昌人太和二十年爲子恂所殺謚貞尚書左外兵郎贈通直散騎侍郎高觀道悅弟謚閔

使持節都督吳越楚彭城諸軍事大將軍贈假黃鉞太傅領揚州刺史宋王劉昶字休道南宋義隆子太和二十

一年謚明

平遠將軍贈青州刺史壯武侯房法壽清河繹幕人太和
中謚敬 步兵校尉領尚書郎齊州中正贈洛州刺史
房景先字光胄法壽族子神龜元年謚文 濟南太守
攝洛州事贈平東將軍齊州刺史房士達法壽從祖弟
永熙二年謚武 司空諮議立忠將軍贈南青州刺史
房堅字千秋宣武時謚懿

平東將軍青州刺史范陽公酈範字世則范陽涿鹿人孝
文時謚穆

大中大夫贈秦州刺史抱睹生安定石唐人孝文時以子
疑爲宦官有寵謚靖

寧南將軍肆州刺史贈太師司徒公錄尚書事梁郡公爾
朱代勤北秀容人孝文時謚莊散騎常侍平北將軍
贈太師相國西河郡王爾朱新興代勤子正光中謚簡
使持節侍中都督河北諸軍事天柱大將軍大丞相
太師贈假黃鉞相國錄尚書事司州牧晉王爾朱榮字
天寶新興子莊帝永安三年謚武此賊臣也而謚
魏謚並無經矣太
常卿開府儀同三司侍中特進贈司徒爾朱菩提榮長
子前廢帝初謚惠

東徐州刺史桐廬縣子贈青州刺史安平侯崔鑒字神具
博陵安平人孝文時謚康驃騎大將軍儀同三司贈
尚書令司徒公崔秉鑒子天平四年謚靖穆中軍將

光祿大夫車騎將軍尚書右僕射定州刺史蒲陰
男崔季良秉之小子謚簡 平遠將軍武邑太守崔辨
字神通謚從祖弟謚恭 昭武將軍光州刺史贈輔國
將軍幽州刺史崔挺字雙根辨從父弟景明四年謚景
龍驤將軍河東太守贈本將軍南兗州刺史崔振字
延根挺弟宣武永平中謚定 趙郡太守崔孝暉字敬
業挺子莊帝時謚簡 廣平太守贈平東將軍高邑男
崔孟舒字長才挺從弟瑜之子謚康 大中大夫贈濟
州刺史臨淄男崔敬邕挺從祖弟神龜中謚恭
協律中郎都昌子劉休賓都昌人孝文時謚貞

征虜將軍河東太守贈本將軍華州刺史尋陽伯趙超宗

天水人世宗宣武時謚成 平西將軍汾州刺史贈安

南將軍豫州刺史趙遐超宗族孝明時謚襄

使持節散騎常侍都督豫州刺史征南將軍贈驃騎大將

軍開府儀同三司蘭陵郡公裴叔業河東聞喜人世宗

景明元年謚忠武 輔國將軍中散大夫贈平南將軍

豫州刺史裴譚叔業子謚敬 渤海相雍丘縣子裴彥

先叔業兄子延昌中謚惠恭 渤海太守贈平南將軍

豫州刺史觀津子裴瑜字文琬叔業弟之子謚定 東

郡太守贈散騎常侍高城侯裴燭字休光叔業從孫孝

昌三年謚簡

通直散騎常侍贈汾州刺史李彪字道固頓丘衛國人景

明二年謚剛憲

鄒水使者將作大匠贈龍驤將軍青州刺史將少游樂安博昌人性格機巧能刻畫制噐景明二年謚質

揚州刺史贈侍中司空公昌國縣侯王肅謚恭懿瑯琊臨沂人景明二年有司奏肅貞心大度宜謚匡詔謚宣簡散騎常侍光祿大夫右將軍幽州刺史兼秘書監給事黃門侍郎贈尚書左僕射司空公王誦字國章肅兄融之子孝莊初河陰遇害謚文宣侍中贈尚書令司徒公王衍字文舒誦弟天平三年謚文獻

太常卿光祿大夫高閭字開士漁陽雍奴人景明二年謚文貞一單謚文

贈梁州刺史追封安平縣子江悅之字彥和濟陽考城人

正始三年謚莊

平陽太守贈光州刺史成淹字季文上谷居庸人正始時謚定

侍中駙馬都尉殿中都官尚書左僕射贈征南大將軍定州刺史中山王李蓋中山人謚莊雍州刺史征南大將軍長安鎮大將贈使持節驃騎將軍開府儀同三司定州刺史中山公李惠蓋之子思皇后之父爲文明皇后所忌見殺正始初贈官追謚莊

厲威將軍贈左光祿大夫渤海公高颺渤海脩人文昭皇后之父宣武時追謚敬贈安東將軍領青州刺史

高偃字仲游贈孫宣武后父正始中謚壯

假節行華州事贈南青州刺史李叔彪渤海蓆人永平四年謚穆 齊王開府諮議叅軍征東將軍兼散騎常侍贈驃騎大將軍儀同三司冀州刺史李象字孟則叔彪族興和三年謚文簡

大中大夫贈幽州刺史雲陽伯鄭演開封滎陽人謚懿通直散騎常侍雲陽伯鄭長猷漢子永平五年謚貞

光祿大夫平北將軍贈安東將軍齊州刺史徐寒字成伯丹陽人善醫延昌初謚靖

太常卿贈鎮東將軍徐州刺史劉芳字伯文彭城人世宗延昌二年謚文貞 安南將軍大司農卿贈徐州刺史

劉惔字祖忻芳子謚簡 太尉司馬贈持節前將軍南
秦州刺史劉惔字仲華芳從子熙平二年謚宣簡

選部給事中贈安南將軍洛州刺史弘農公楊懿弘農華
陰人謚簡 贈鎮西將軍雍州刺史華陰伯楊播字延
慶懿子延昌二年謚莊 司空侍中尚書令贈大將軍
太傅楊津字延祚播弟太昌初謚孝穆 尚書左丞金
紫光祿大夫贈車騎大將軍儀同三司幽州刺史楊遁
字才山津長子太昌初謚恭定 光州刺史贈都督豫
郢二州刺史華陰男楊逸字遵道津次子太昌初謚貞
洛州刺史贈弘農公楊暉播族祖謚簡 七兵尚書
北道大行臺恒州刺史懷朔鎮將軍臨貞縣伯楊鈞播

族弟謚恭 都督東雍華二州諸軍事驃騎大將軍開

府儀同三司華州刺史陽夏侯楊儉鈞子謚靜

齊州刺史贈兗州刺史汶陽縣伯孟表字武達濟北蛇丘人延昌四年謚恭

高陽太守贈平遠將軍光州刺史劉文畢本平康人後家北海之都昌延昌中謚貞

都水使者贈洛州刺史韋雋字頴超京兆杜陵人肅宗孝明熙平元年謚貞 豫州刺史西襲縣男韋子粲字暉穆雋子謚忠

贈兗州刺史高密侯韋道福閭從叔謚簡 大中大夫行

幽州事贈南兗州刺史杜縣侯韋欣宗道福子謚簡

鎮遠將軍太尉諮議參軍贈青州刺史霸成侯常珍字
靈智閭族弟永平元年謚懿長史兼尚書贈撫軍將
軍雍州刺史陰盤縣男常或字遵慶珍子孝昌元年謚
文侍中雍州刺史杜縣子常肅字遵顯或弟永安三
年謚宣

冠軍將軍尚書左丞贈安南將軍并州刺史高都公慕容
琚謚簡都督朔州刺史定陶男慕容契琚孫熙平元
年謚克

寧朔將軍步兵校尉贈龍驤將軍朔州刺史劉社生代人
熙平初謚克

光祿大夫贈平西將軍秦州刺史乘氏伯席法友安定人

熙平二年謚襄

征南將軍金紫光祿大夫散騎常侍贈征東大將軍鄂州刺史曲陽縣伯田益宗光城蠻熙平二年謚莊

散騎常侍安東將軍瀛州刺史贈撫軍將軍雍州刺史濮陽縣侯夏侯道遷譙國人熙平時謚明

尚書右僕射侍中車騎大將軍贈司空靈壽縣公于忠肅字思賢本字千年代人肅宗神龜元年謚武敬

忠卒有司奏太常少卿元端議按謚法剛強正直曰武怙威肆行曰醜宜謚武醜公太常正卿元修義議忠盡心奉上剪除凶逆依謚法除僞寧貞曰武夙夜恭事曰敬宜謚武敬公二卿不同靈太后令依正卿議

征北將軍定州刺史贈司空于勁字鍾葵忠從父謚恭
莊 鎮南將軍肆州刺史于須勁弟謚武 征東將軍
贈都督冀定二州諸軍事衛將軍尚書僕射儀同三司
于昕忠從父敦之子天平中謚文恭 通直散騎常侍
贈右將軍洛州刺史于礫忠從父果之子謚哀 司徒
掾贈鎮遠將軍洛州刺史于祗礫弟謚悼

光祿大夫贈瀛州刺史孫惠蔚字叔炳武邑武遂人神龜
元年謚戴

司徒公侍中贈假黃鉞使持節侍中相國都督中外諸軍
事太師領太尉公司州牧太上秦公胡國珍字世王安
定臨涇人靈太后父神龜元年謚文宣 殿中尚書中

書監侍中贈開府儀同三司雍州刺史東平郡公胡祥
字元吉國珍子謚孝景 中書監侍中贈太師太尉公
錄尚書事雍州刺史濮陽公胡僧洗字湛輝國珍兄子
天平四年謚孝貞 岐涇二州刺史贈太師太尉公錄
尚書事臨涇公胡寧字惠歸僧洗子初謚孝穆後以女
爲清河王亶妃改謚孝昭 司空公贈太傅太尉公尚
書僕射徐州刺史安陽侯胡虔字僧敬寧之子興和三
年謚宣 冀州刺史贈司徒公錄尚書事定州刺史陽
平郡公胡盛字歸興寧弟謚懿穆

光祿大夫征西將軍贈使持節衛將軍冀州刺史平陸侯
張彞字慶賓清河東武城人神龜二年爲其子仲瑀欲

排抑武人羽林軍士捶辱之囚卒謚文 尚書郎贈樂

陵太守張始均字子衡蔡子神龜二年爲羽林軍士投
於火卒謚孝

中山內史加平北將軍贈豫州刺史博縣伯王世弼京兆
霸城人肅宗正光元年謚康

光祿大夫贈撫軍將軍青州刺史高聰字僧智本濮海脩
人後家北海之劇縣正光元年謚獻

殿中尚書贈尚書右僕射崔休字惠盛正光四年謚文貞
岐州刺史贈平東將軍濟州刺史劉道斌武邑灌津人正
光四年謚康

前將軍贈輔國將軍太常少卿楊固字敬安北平無終人

人孝昌元年謚文貞 侍中贈尚書右僕射司徒公營
陵縣男賈思同字士明思伯弟興和二年謚文獻

使持節平南將軍交州刺史假彭城公贈撫軍將軍衛尉
卿畢元賓東平須昌人謚平 贈冠軍將軍徐州刺史
鉅平侯畢衆愛元賓從父謚康 軍司馬贈散騎常侍
兖州刺史鉅平伯畢聞慰字子安衆愛子孝昌元年謚
恭

使持節征西將軍贈車騎大將軍開府儀同三司定州刺
史新豐子崔延伯博陵人沒於陣肅宗孝明時謚武烈
懷朔鎮將宇文福河南洛陽人其先南單于之遠屬孝明
時謚貞惠

寧陵令石祖與常山九門人靈太后臨朝以李韶奏謚恭使持節散騎常侍都督揚州刺史征西將軍贈使持節車騎將軍儀同三司雍州刺史東光伯郭祚字季祐太原晉陽人爲于忠所害靈太后臨朝謚文貞

北平將軍羊祉字靈祐太山鉅平人靈太后臨朝謚景

初太常少卿元端博士劉瑩龍議謚曰祉志存埋輪不避強禦及贊戎律熊武斯裁仗節撫藩遼夷識德化沾殊類祿負懷仁謹依謚法布德行剛曰景宜謚曰景侍中侯剛給事黃門侍郎元纂等駁曰臣聞惟名與器弗可妄假定謚準行必當其迹按祉志性急酷所在過威布德罕聞暴聲屢發而禮官虛述謚之爲景非直失於

一人齊毀朝則請還付外準行更量虛實靈太后從之
於是端臺龍上言竊惟謚者行之迹狀者迹之稱然尚
書銓衡是司釐品廢物若狀與迹乖應抑而不受錄其
實狀然後下寺依謚法準狀科上豈有舍其行迹外有
所求去狀去稱將何所準檢社以母老辭藩乃舉手詔
云卿綬撫有年聲實兼著安逸寧境實稱朝望及其歿
也又加顯贈吉社誠著累朝效彰內外作牧岷區字氓
之續驟聞詔冊褒美無替倫望然君子使人器之義無
求備德有數德優劣不同剛而能克亦爲德焉謹依謚
法布德行剛曰景前議爲允司徒右長史張烈尚書李
韶等又列奏靈太后乃從前議

京兆王長史贈平東將軍交州刺史羊靈引社弟謚威
廣平太守贈衛大將軍吏部尚書交州刺史羊敦字
元禮社羊子興和初謚貞

鎮北大將軍內外三都大官贈幽州刺史長進侯奚直河
南洛陽人其先代人謚簡撫軍大將軍河南尹贈都
督冀瀛滄三州諸軍事驃騎大將軍司空冀州刺史追
封壽張縣侯奚康生直之子爲元義所害靈太后反政
追謚武貞

殿中尚書右光祿大夫贈司空封爲渤海脩人河陰遇害
敬宗孝莊帝初謚孝宣平北府長史贈殿中尚書封
興之字祖胄回之子孝昌中謚孝齊州刺史贈太保

封隆之字祖裔回之子武定三年謚宣懿 青州刺史
贈使持節都督冀殷瀛三州軍事驃騎大將軍尚書左
僕射司徒冀州刺史封延之字祖業隆之弟興和二年
謚文恭

侍御史定州刺史章武侯封涅代人謚隱

通直散騎常侍冠軍將軍西南道慰勞大使贈使持節都
督梁益巴東梁四州諸軍事車騎大將軍儀同三司梁
州刺史河陽縣侯李苗字子宣梓潼涪人莊帝時爾朱
世隆之亂浮河而歿謚忠烈

東梁州刺史贈益州刺史淳于誕字靈遠其先泰山博人
後居蜀漢或安國之桓陵敬宗永安二年謚莊

洛陽令贈滄州刺史陽關男高崇字積善渤海脩人永安
二年謚或國子博士贈營州刺史陽關男高謙之字
道讓崇之子爲李神軌構陷贈死靈太后時謚康
右將軍南幽州刺史贈司空冀州刺史常旭京兆杜陵人
永安時謚文惠

使持節侍中車騎將軍假儀同三司前鋒大都督趙平郡
開國公費穆字朗興代人元顥以阿陰酷濫事起於穆
穆之莊帝贈侍中司徒公謚武宣

滄州大中正兼尚書左僕射西道大行臺贈開府儀同三
司青州刺史樂陵郡公朱瑞字元龍代郡桑乾人晉泰
元年爲爾朱世隆所殺大昌初謚恭穆

太傅贈大司馬錄尚書二十州諸軍事侍中桓州刺史恒
山郡王斛斯椿字法壽廣牧富昌人孝武時謚文宣
豫州刺史贈司空公桑乾縣公斛斯元斯椿弟孝武西
巡時爲部下所殺謚景

司農少卿光祿大夫董徵字文發頓丘衛國人孝武永熙
二年謚文烈

幽并營安四州行臺燕郡公贈尚書左僕射儀同三司幽
州刺史劉靈助燕郡人善卜筮永熙二年謚恭

右光祿大夫贈尚書左僕射新昌子孫紹字世慶昌黎人
永熙二年謚宣

左光祿大夫散騎常侍驃騎大將軍贈議同三司定州刺

史魏子建字敬宗鉅鹿下曲陽人永熙三年謚文靜

光州刺史魏鸞字雙和子建族父謚夷

開府儀同三司贈司空雍州刺史華陰男楊騰弘農人文
帝之舅謚貞襄

隴右府長史壽張縣子張軌字元軌濟北臨邑人恭帝時
謚質

秘書監車騎大將軍儀同三司美陽縣男柳蚪字仲盤河
東鮮人恭帝元年謚孝 并州司會并州總管府長史
康成縣公柳帶常字孝孫蚪弟鸞之子謚愷 宣州刺
史贈鄜綏丹三州刺史柳慶字更興蚪弟鸞弟

御史中尉肆州大中正開府西道行臺大將軍大保大尉

公錄尚書事冀州刺史劉貴秀客陽曲人東魏孝靜帝
興和元年謚忠武

領軍將軍贈太師大司馬太尉錄尚書事万侯洛太平人
其先匈奴之別種興和初謚武

衛大將軍東徐州刺史贈驃騎大將軍司空公兖州刺史
張燿一名燿字景世自云南陽西鄂人興和三年謚懿
驃騎大將軍儀同三司豫州刺史贈司徒堯雄字休武上
黨長子人興和四年謚武恭一單謚恭 安州刺史贈
使持節督滄瀛二州諸軍事尚書右僕射滄州刺
城郡公堯傑字永壽雄從父兄謚實 臨洮太守贈龍
驤將軍堯遵雄從父謚思

主書郎贈建武將軍定州刺史高邑子堯方生謚敬

衛大將軍中書令贈驃騎大將軍開府儀同三司都督幽州刺史山偉字仲才河南洛陽人其先代人孝靜時謚文貞

滎陽中山太守贈衛大將軍都官尚書瀛州刺史蘇淑字仲和武邑人孝靜武定初謚懿

侍中太子太保開府儀同三司贈司空蘭陵郡王蕭正表字公儀梁武帝弟武定七年奔魏其冬卒謚昭烈

徐州刺史贈青齊二州軍事司空青州刺史王則字元軌太原人武定時謚烈懿

北海太守贈驃騎大將軍洛州刺史辛珍之配西狄道人

武定時謚恭

秦雍二州刺史遼西郡公贈假黃鉞太宰燕王馮朗遼西
人文明太后之父太后臨朝追謚宣

儀同三司雍州刺史右衛大將軍贈侍中司空公涇陽縣
公皇甫集謚靜

金紫光祿大夫贈中書監幽州刺史祖慎范陽人謚惠

扶風太守贈鎮西將軍遼西公常亥遼西人高宗乳母常
太后曾祖謚簡 渤海太守贈侍中征東大將軍太宰
遼西王常澄亥子謚獻 平州刺史遼西王常英澄子
謚平

河中太守贈岐州刺史柳崇字僧生河東解人謚穆 安

東將軍光祿大夫贈衛大將軍雍州刺史柳暢字叔智
崇族子謚穆

殷州刺史贈司空彰武伯綦儁字擢顯河南洛陽人其先
代人謚文貞

平東將軍營州刺史贈平南將軍并州刺史建安公張偉
字仲業太原中都人謚康

衛將軍本州大中正兼廷尉卿贈太僕卿濟州刺史竇瑗
字世珍遼西遼陽人謚明

中書侍郎新豐侯贈湘州刺史魏縣侯杜銓字士衡京兆
杜陵人謚宣 河東太守贈都官尚書豫州刺史杜遇
字慶忌銓子謚惠

河西王右丞相清水公宋繇字體業敦煌人謚恭

扶風太守贈涼州刺史索敞字巨振敦煌人謚獻

敞曾爲助教故舊同學生等爲之請謚

燕郡太守贈徐州刺史崔隆宗清河東武城人謚孝

河間王長史贈左將軍安州刺史路恃慶字伯瑞陽平清

淵人謚襄

續文獻通考卷之一百四十一終